



Broj: 15-03-16-5-20-26/20

Datum: 28.4.2020. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav 1. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi:

ODLUKU o izboru najpovoljnijeg ponuđača

Član 1.

Najpovoljniji ponuđač u postupku javne nabavke usluga servisiranja klima uređaja u Regionalnom centru Sarajevo, objavljenom na web portalu Agencije za javne nabavke BiH, broj obavještenja: 1110-7-2-5-3-25/20 od 4.3.2020. godine, koji je proveden postupkom konkurentskog zahtjeva za dostavljanje ponuda, je **Acing d.o.o. Sarajevo**.

Član 2.

Ova odluka će se dostaviti ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom donošenja.

Obrazloženje

Nakon provedenih aktivnosti, Komisija za provođenje postupka nabavke je konstatovala da je rok za dostavljanje ponuda 25.3.2020. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle dvije (2) ponude i to ponuđača: „Klimatizacija Jović“, SP Davor Jović, Banjaluka, i Acing d.o.o. Sarajevo. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponuda, izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Zapisnički je utvrđeno da ponude ponuđača ispunjavaju sve zahtjeve u pogledu opisa predmeta nabavke i tehničkih specifikacija.

Ponude ponuđača „Klimatizacija Jović“, SP Davor Jović, Banjaluka i ACING d.o.o. Sarajevo su kvalifikovane i prihvatljive, a dokumenti su dostavljeni na propisani način kako je to definisano tenderskom dokumentacijom.



Nakon provedene e-aukcije ukupna cijena ponude bez PDV-a ponuđača Acing d.o.o. Sarajevo, koji je PDV obveznik, je niža od cijene ponude ponuđača „Klimatizacija Jović“, SP Davor Jović, Banjaluka, koji nije PDV obveznik, te je u ocjeni ponuda postupljeno u skladu sa članom 3. Zakona o javnim nabavkama tako što je izvršeno poređenje ukupnih cijena ponuda bez PDV-a.

Analizom ponuda i nakon održane i okončane e-aukcije, primjenom kriterijuma najniže cijene, Komisija je utvrdila da ponuda ponuđača **Acing d.o.o. Sarajevo sa ukupnom cijenom bez PDV-a od 1.805,00 KM, odnosno od 2.111,85 KM sa PDV-om** najpovoljnija, te s obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuku da se donese odluka o izboru najpovoljnijeg ponuđača.

Na osnovu prijedloga Komisije i u skladu sa članom 3. Zakona o javnim nabavkama, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od pet (5) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR

Dr. sc. Arif Nanić

Signed by: ANANIC
дигитално потписано / digitalno potpisano / digitally signed